

李四人俱好清虛無為之學大定壬辰歲聞丹陽宗師於終南祖菴弘演真教偕來布下出家丹陽各付秘訣節次役以詩詞誘進以至俱能深造道妙翹翹為人天師惟先生最幼置之左右執巾餅之役日夕訓誨歲月既久故偏得修身性命之要迨壬寅夏丹陽東歸囑先生西入隴山侍長春丘君採薪汲水凡五年每進饋之暇危然澄坐通夕不寐以修靜定之功明昌辛亥長春仙仗亦東游留先生與呂道安同主祖菴事先生於呂雖為昆仲待以師禮六年乙卯朝省新法以祖菴無教額例沒於官承安丁巳先生往海上謁諸宗師長春以所有之贖傾囊盡付及親作疏文俾先生化導諸方為重建計明年春先生上燕都玉陽時應命闕下召呂道安至燕買祖庭為靈虛觀仍保賜先生通真大師號今副知觀事與呂偕西歸祖庭道風為之再新先生尤善醫藥聞人之疾不擇貧富必往救之至興定辛巳呂道安上仙先生嗣主靈虛香火其殿堂廊廡翬遡增葺者甚多道緣

日弘不數歲度門人踰百眾無幾何謝觀事閑居退隱岐山縣五姓之洞真觀和光同塵願真養浩時亦一至靈虛網領觀事正大辛卯關中受兵先生與居民同避地於太白山之峽至三月十六日告門人曰昨於定中山

靈潛報此地不堪久處當徙之他所世態如此吾不忍見即焚香辭聖翌旦奄然長逝門人葬于所居之石室居民有聽其言而去者不數日兵至不去之民俱被禍大元庚子冬洞真真人于君奉朝命來住祖庭念及先生同出丹陽之門又為平昔莫逆友為眾言曰畢通真昔居此踰五十年恢弘祖教實吾門之大士也遂命門人遷先生遺軀葬於劉將之仙塋壬子春掌教真帝李君奉朝命追贈先生曰廣容真人

終南山祖庭仙真內傳卷中

終南山祖庭仙真內傳卷下

夷山天樂道人李道謙編

川四

清和真人

師姓尹氏諱志平字大和遠祖居滄州前宋時有官萊州者因家高顯高祖妣有子七人俱登進士第仕至郡守者五人大父公直考弘誼皆隱德不耀於大定九年己丑正月二十日生師是夕其母方寐夢儀衛異常皆盛服而入神思愕然驚寢師已誕矣時里人相驚曰尹氏宅火奔往救之至則光照庭守知生子矣咸曰是家陰德動天他日必為異人三歲穎悟善記事五歲入小學日誦千餘言於理即玄解在髫髻日舉止異凡兒嘗因祀事究生死理杳然遐想自忘十四歲遇丹陽宗師遽欲入道其父難之潛往十九歲復迫令還家錮之竟逃出再三始從之詣武官靈虛觀長生宗師席下執弟子禮尋住昌邑縣之西菴常獨坐樹下達旦或一夕靜中見長生飄然而來斷其首剖其心復置之覺而大有所悟後住菴福山縣惠濟貧困者數年眾

德之明昌初聞長春宗師還棲霞往侍左右
長春特器異之付校無所隱王陽王宗師屢
握手談道授以口訣又受易於太古郝宗師
皆世所未嘗聞自是道業日隆聲價大振四
方學者翕然宗之時濰州龍虎完顏氏素蒙
倨慕師道德施園地創玉清觀事之數載之
間姬侍供奉者未嘗識其面目亦未嘗知其
姓字其所守如此興定己卯歲冬大元太祖
聖武皇帝自西域遣使宜劉仲祿徵長春宗
師仲祿及益都會真常李公曰長春今居東
萊非先見尹公必不能成此盛事及濰陽謁
師於玉清見其神采嚴重不覺畏敬自失從
容語及詔旨師大喜曰將以斯道覺斯民今
其時矣遂偕往觀長春於萊州昊天觀先是
金宋聘命交至皆不應至是長春與師議決
計北上時從行者十有八人皆德望素重者
師為之冠自庚辰春啓途至癸未秋回轅四
載跋涉備嘗艱阻既見上於西印度奏對稱
旨還及雲中長春聞山東亂天兵又南下曰
彼方生靈命懸砧鼎非汝莫能救因遣師往

招慰聞者樂附所全活甚多甲申歲敕令長
春住太極宮即今之長春宮也師在陛下最
為入室四方尊禮者雲合師曰我無功德敢
與享此供奉乎遂辭退住德興之龍陽觀屢
承長春手澤示以託重意及蒙賜清和子號
迨長春上仙師方隱山谷之煙霞觀又欲絕
迹遠遁為眾以主教事敦請勉從之還長春
宮以嗣玄教厥後門徒輻輳樂貢者日
充塞庭戶壬辰春太宗英文皇帝南征選師
迎見於順天慰問甚厚仍令中宮代祀香於
長春宮既賚優渥祭已夏遊女間山太玄觀
之李虛玄語人曰去年院中青氣氤氳者累
日占者以為當有真人至今師來既驗矣其
演化白霄之間道緣真蹟備見北游錄至甲
午春南歸及玉田眾喜為數日留日已曠遠
促駕無夜行五六十里舍豐草中眾莫知所
以後還宮始知在玉田時有寇數十欲劫掠
追至大舍旬不及而返從者相賀曰非師柰
我輩何夏聞朝廷遣官撫綏關輔適無欲李
公自衛來燕致祭慶順堂師命入關括集道

侶興復終南劉蔣之祖庭秋中宮遣使勞問
賜道經一藏乙未春沁州牧杜德康請師主
黃籙醮事師由雲應南下所至原野道路望
塵迎拜者日千萬計願納宮觀為門弟子者
若前高之王虛岬縣之神清定襄之重陽平
遙之興國咸請主於師及理醮時旱久且風
醮之三晝宵燈燭恬然在他境猶風杜以州
之神霄宮為獻尊事之師以玄化大行歸功
於重陽祖師乃留意於終南祖庭冬京兆總
管田德燦遣官借無欲李公馳疏來請雅與
師意合丙申春正月始達終南規度兆域初
重陽祖師修道於劉蔣村既成火其菴而東
貽詩有後人復修語先大定間丹陽長春二
宗師已嘗建立值天興劫火焚毀殆盡至是
師賚之亦有繼祖來修之什於是翦蕪平丘
築垣架屋而草創之又若樓觀宗聖宮終南
之太平炭谷之太一驪山之華清太華之雲
臺諸宮遺址悉擇四方緣重者德付之俾任
興復之責時陝右甫定遺民猶未安業道衆
艱於得食師以道德罪福之報撫慰之是年

夏被命令師選戒行精嚴之士就木林住持為國祈福秋中書楊惟中召還燕道經太行山間羣盜羅拜受教悉為良民戊戌春忽曰吾老矣久厭勞事以正月上日會四方耆宿嗣法於真常李公俾主教席遂於長春西院及五華大房增葺道院以為佚老之所庚子冬京兆太傅移刺寶倫總管田德燦請師主重陽祖師葬事師欣然而往雖冒寒跋涉不憚也常曰吾以報祖師恩耳當時奉地大旱師下車而雲大闢葬禮以明年辛丑正月二十五日既事時盛行興造及經理會葬者多方道俗常數千人物議恂恂不安賴師道德威重鎮伏邪氣故得完其功師嘗與老師宿德往來于樓觀諸宮道遠首若以揚玄化是歲冬十月仙仗還燕山居五華大房之間遠近達官士庶仰之如景星丹鳳己巳春命潘冲和主領河東永樂純陽宮之法席以事建立無何中宮遣近侍賜黃金冠服仍敕有司衛護又令門人增飾濰陽之玉清不數載奐然一新矣至辛亥二月五日謂侍者曰我常

便房山之幽邃故居之今為我灑掃殿宇以備長生昇仙之齋翌日焚香禮聖畢謂眾曰吾將逝矣眾驚愕師嘿不應惟戒葬事無豐遂不食但飲水歡茶危坐談道語音雄暢如平日是夜正衣冠曲肱而逝享春秋八十有三門眾毀哭若喪考妣時馨香之氣滿室遠近聞者奔走賻贈絡繹如市初師遺言葬大房嗣教真常李君以大房去京師稍遠艱於登涉輦柩葬于五華樓堂曰復真以事香火師平日著述目曰葆光集行于世中統二年秋九月墮書追贈清和妙道廣化真人號真常真人

師族李氏諱志常字浩然其先洺州永年人宋季避地濮之范陽尋又徙開之觀城因著籍焉高祖皓曾祖昌祖明父曼皆隱德不耀素為鄉里所重母聶氏夜夢異人授之玉兒覺而生師即明昌四年癸丑正月二十日也師生六歲考妣俱喪養於伯父濟川家濟川諱蒙名舉子也賦義兩科屢占上游雖以四舉終場同進士出身歎如也愛師穎悟不羣

意用作成以償平昔之願而師不喜文飾雅好恬淡常默禱高堂望章逢異師勝友式副夙心年十有九伯將議婚師聞之歎曰本期學道未涉津涯若愛欲纏縛則聖賢高蹈出塵之事業難乎有成矣居無幾負書曳杖作雲水之游初隱東萊之牢山復往天柱山之仙人宮宮之主者曰湯陰李先生有落髮見師儀觀魁偉固已知其不凡因冬夜談道言及日用乃大加賞異退謂其徒曰余在道三十年老師宿德與之談論者能如此子精當會不一二見迨辭始告之曰君玄門大器也山蒼荒僻非君久淹之地海上昔祖師至異人並出今獨長春在焉宜往從之他日成就未可量也師翌日遂行至即墨之東山屬貞祐喪亂土寇蜂起山有窟室可容數百人寇至則避其中眾以師後拒而不納俄為寇所獲問窟所在筆焚慘毒絕而復甦竟不以告寇寇退窟人者出環泣而謝之曰吾儕小人數百口之命懸於公一言而公能忘不納之怨以死救之其過常情遠甚幸為給養至於康

調迄今父老猶能道之歲戊寅夏六月間長春宗師自登居來師促裝以往拜謁席下長春一見器許待之異常師於承教之後益自奮勵歷兵革死生憂患之際曾不易其所守山東東路轉運使田瑤器之高其行且聞昔在即墨其主帥黃擱副統洽師籌畫保完一城以書邀至益都待以賓禮己卯夏六月益都副帥張林板金歸宋冬十有二月太祖聖武皇帝遣使宜劉仲祿齎詔備禮起長春宗師于東萊師觀此事機知張林新以其地入宋叛股靡常密念若不先入白則必見阻滯乃往說林曰長春師天人也今三使徵聘毅然北行舍近道而即遠途救世之心於斯可見相君能為推轂則非惟一方受賜實四海生靈無涯之福也林悅移檄所經俾衛送以行庚辰春正月長春命駕從行者一十八人師其一也二月達燕明年春北上秋七月至阿不罕山距漢地僅萬里並山漢人千家逆塵羅拜以為希世之遇咸請立觀擇人主之長春坐上指師語眾曰此子通明中正學問

該洽今為汝等留此其善待之因賜號真常子仍預書其觀曰棲霞長春既西邁師眾輿作刻日落成又立長春玉華二會至今不輟癸未夏五月長春至自行在憇于其觀一日齋客四集長春手持弓弦一不言以授師師亦不言而受圍而佩之作詩為謝長春但笑領而已蓋阿不罕之留弓弦之授識者知其有付屬之意秋七月至下水時殘暑尚熾長春納涼於官舍之門樓宇呼師而教之曰真師不易逢得道者不易過過之而不易識也守道之為人貌而天行直肅六骸而淵宗忘飢渴而常寧至靜而遺形獨遊乎無極之妙度此語汝當記之以俟他日自得之耳師拜謝已乘間問向者避地山東為寇蓋捷俄墮窳冥赫日方中而自無所見幽明路隔其歸根復命之理果何如哉長春曰人之生死猶晝夜乃幻相相因之道叩其道之至則無有也當汝疑念未起時體取死生晝夜了無干涉則天光湛灑若太虛之無際名言象教不可得而喻斯汝疑心靜盡之地師復再

拜受之長春自入漢地人事益繁四方道俗來觀謁者皆託於師師除舊歸隱之念而未嘗有以發雖心交不知也長春忽語之曰昔有一道人趙其姓初在門下向道甚勤一日遽辭欲往他所我因戒之曰不應去而去不為退道即為慢道師愕然知斯言為已設其念遂絕師以長春西域見上演道之語編為西遊記行于世丁亥秋七月長春仙去清和嗣教以師為都道錄兼領長春宮事當時朝廷在木林師歲一往以扶宗翊教為己任雖龍沙風雲寒裂肌膚弗憚也庚寅秋七月太宗英文皇帝始即大寶師見於乾樓掌時方詔通經之士教儲君師乃進詩書道德孝經上嘉之冬十一月得旨方還辛卯冬有誣告處順堂繪壁有不應者清和被執眾皆駭散師獨請代之曰清和宗師也職在傳道教門一切我悉主之罪則在我他人無及焉使者高其節從之特免桎械鎖之入獄夜半鎖忽自開師以語獄吏吏復鎖之而復自開平旦吏以白有司適與來使會食所食肉骨上隱然

見長春相其訟遂息癸巳夏六月承詔即燕京教蒙古貴官之子十有八人師為寂照大師馮志亨佐其事日就月將而才藝有可稱者乙未秋七月奉詔築道觀於禾林委師選高道住持戊戌春正月清和會四方者宿手自為書付師嗣主教席師度不能辭乃受之三月赴闕以教門事務奏首及終南山靈虛觀係重陽祖師鍊真開化之地得旨改稱重陽宮敕洞真子居住持主領陝右教事以白雲菴公無欲李公輔翼之大行營建乙巳奏請河東永樂純陽祠宇及師真堂下並賜宮額以彰玄化丙午定宗皇帝即位詔師以戊申上元日就長春宮設普天大醮仍降聖書凡名山大川諸大宮觀及玄門有道之士委師就給師德名號歲舍辛亥憲宗皇帝嗣登寶位欲遵祀典徧祭積憤秋八月遣中使詔師至闕下上端拱御榻親織信香心注禱於祀所賜師金符寶誥及內府白金五千兩以充其費師奉旨驛車南下徧詣懺憤以行祀事越明年春正月初吉來終南祖庭敬展

精衷恭行祀禮規度營建整治玄綱凡山下仙宮道觀皆為一到建功師德賜賚各有差以是地係教門根本故也至四月既望仙仗東歸由中條之純陽宮亦如終南故事秋九月還燕癸丑冬十月聖天子在藩邸開府上都命師修金籙大齋作大宗師普度隨路道士女冠給授戒牒甲寅春正月上遣使就官會集諸路高道作普天醮敕師濟度海內亡魂賜黃金五百兩白金五千兩凡龍壁環鈕鎮信之物焚獻香燈並從官給自啟事至滿散鸞鶴五雲之瑞不可殫紀秋間亳社成兵師遣道人石志堅輩興復太清宮乙卯秋七月見上於行宮適西域進方物時太子諸王就宴敕師預焉十有二月朔旦上謂師曰朕欲天下百姓安生樂業然與我同心者未得其人何如師奏曰自古聖君有愛民之心則才德之士必應誠而至因歷舉勳賢並用上嘉納之自午刻入承顧問及燈乃退丙辰春正月以老辭夏四月至自北庭六月庚申朔師倦於應接謝絕人事隱几不言戊寅正

襟危坐語左右曰昨夜境界異常吾自知卦數已盡歸其時矣主領後事向已奏誠明張志敬受代餘無可議者翌日乃留頌順正而化春秋六十有四葬于五華山之存存堂平昔著述有又玄集二十卷行于世中統辛酉秋九月制書超贈真常上德宣教真人號洞真真人師諱善慶字伯祥寧海人漢廷尉高門于公之後祖彥升嘗主好時縣簿考珍翰光不仕師以大定六年丙戌十二月初八日生幼不茹葷長通經史雅嗜道德性命之學與丹陽宗師同里開二十二年壬寅夏五月丹陽自陝右還鄉中演道於金蓮堂老稚雲集師與高時年十七丰神整秀丹陽見而問之知為彥升之孫歎曰吾向畏重陽譴訶頗萌倦死然得以終其業者彥升輔贊之功居多使是兒入道以報乃祖之德可乎翌日師與眾再至丹陽神出一熟芋與之師拜而食其父母聽執几杖以侍左右乃蒙授以今之名字既而父珍與其室王氏謀曰吾止是兒蒸嘗所

系今丹陽化度入道殆夙契乎丹陽嘗業儒必不妄絕吾于氏之祀其修真之門量有超出世法之外者我輩區區尚何所繼遂與女子洎家人輩俱受業于丹陽之門丹陽訓珍法諱曰道濟王氏曰道清及號玉裕散人女曰妙靜即師之姊也後俱為玄門之宿德再辛癸卯冬師從丹陽赴萊陽遊仙觀醮未幾丹陽上仙長生玉陽二宗師來主喪事嘗聞丹陽有報德芳升語乃授師道門儀範命宋崇福相將入關俾事長春宗師以遠鄉土親愛之情師受教而西至終南祖庭拜謁靈陽李君備陳長生玉陽之命靈陽見師天姿雅澹舉措不凡教之棲山林遠廓市親有道種福田且使枉道詣平涼參高士崔半頭師承命而往一夕宿回山王母宮夜夢老嫗持餅一槃餉鬚頭道者道者即取一餅擘半與師食仍自食其半又二日達平涼崔參禮甫畢俄一媪持餅一槃求饋于崔其崔與媪克肖夢中之見崔取一餅擘半與師食即自食其半且曰連前夜者食吾一餅矣時趙九古

侍側崔指師曰是子可教其有道緣乎居踰月多蒙指授遂辭詣隴州龍門山侍長春恭執汲爨乙巳春長春命師詣洛陽致書于長真宗師長真訓以摧強挫銳鍛鍊塵心為學道之要無何長真返真師募祭禮竟復入關旬食同華間行其所受丙午長春下隴山板教祖庭召師席下今日服勤勞以結勝緣先長春游隴川日愛沂陽縣東之石門嘉勝祭全真堂命弟子蒲察道滿居之明昌辛亥長春將歸海上謂師曰汝緣在斯無他往人需友以成友不可不擇蒲察道滿者心存至道是人必能輔成爾業可往居之師詣吳嶽五峯山鑿石以處日止一餐晝夜不寐者七年惟道是力乃臻於妙凡未然之事必預知之隴人迄今目其龕曰子真人洞塑像事之蒲察請師下山同處承安戊子郡之好事者輸貲構造揭玉清觀額尋禮玉陽參受經錄以輔道救物遠近益加崇敬泰和癸亥隴州牧保賜冲虛大師號五年乙丑復往棲霞觀長春請進上道無何長春遂促西歸至臨沂遇

王陽于縣解玉陽首問關中日與甚人為友師以蒲察告玉陽再問蒲察入道之由師告以奉長春命玉陽曰審若是則可與友矣遂蒙教以微旨及授洞真子號居數日乃別道過林慮愛其幽間棲止于天平觀丙寅長春介畢知常持教帖云大抵上根之人惟財色是遠汝既能推財讓義何必深山窮谷守靜篤也草字到日即便下山復還沂隴目今教門闕少得力人要汝弘闡爾仍更名志道師拜命還泰八年戊辰南征凱還憫其停繫購後者甚多師自五峯卒業以來詣門求度為道士者數百人俱立觀院於鳳翔沂隴之間元光癸未汴梁中太一宮提點李冲虛舉以自代不起正大改元上悼西軍戰沒詔遣禮部尚書趙公秉文醮祭於平涼延師為濟度醮竟師以所奉信幣悉具呈回納助軍須之用趙素重師高潔圖像為諸朝遣使召之又不起已而隴山兵亂舉知常請師詣岐山五姓之洞真觀居環堵丙戌遣中使再召起而應之至京之日奉旨提點中太一宮若密國

公壽侯華公執揚尚書雲翼許司諫古馮內
翰塵諸相貴近爭相景慕時金運將終徭役
業出民大不堪徵及道釋師每於執政者方
便啓道屢寢其議四方縹黃多賴以安丁亥
北來道衆傳長春升仙于燕山師日惟一飯

心喪者三年庚寅河南旱詔近侍護師禱於
濟瀆上期望祀于宮中醮竟立致甘澍特旨
褒異令兼領五嶽佑神觀事是秋書大有年
天興癸巳春汴京納款聖朝遣使訪三教人
以師為之冠秋七月由中樂北渡時依附者
衆舟人疑有金帛薄暮啓船遇一沙渚結以
達岸委之而去黎明驚濤四涌莫不倉惶失
措師泰然無懼色是日會八柳樹堤瀆水勢
南下命弟子符道清濟賂二舟舉脫其危於
是挈衆達大名玄通范圓曠時至東平上清
宮聞師至率在府僚屬道衆備車騎來迎盛
席引避師辭不得已乃弘教於東原乙未秋
上燕都謁長春處順堂燕人懇留不獲南歸
丙申夏燕境蝗旱大作行臺諸官禱師禳祭
師俯徇輿情啓醮即雨蝗不為災秋清和其

人尹君自關中還燕命真常李君權教築室
于西院與師對處日相陪侍戊戌春真常嗣
掌教事夏四月朝廷選試道釋以師聞望隆
重進號通玄廣德洞真真人適北京留守烏
德亨築金真觀邀師於其國人勉應而行

秋七月真常奏請得旨改終南靈虛觀為重
陽宮敕師住持主領陝右教門事庚子夏太
傅移利實倫京兆總管田德燦差官持疏往
邀即日命駕烏公以下僚庶以師興復祖庭
之故知不可留饋金贖幣者充積過燕涉趙
度晉來秦所至之方諸侯郊迎士庶嚮慕以
所得之資悉為興建之費辛丑春正月會諸
路師德葬祖師於白雲殿時關輔甫綏民稀
土曠門下道流共念祖師開化之德競來入
關營佃方所為之羽翼東連海岱西徹華泐
南際江淮北通沙漠往還道俗奉香送供者
絡繹不絕與李宮作務之衆恒不下數千人
賴師道德高厚每至朔望必設齋集眾教以
修身養性為功立觀度人為行及論以羅福
之理俾各從所便故得循規蹈矩教門寧謐

不十載間雄宮傑觀星羅雲布於三秦之分
矣其祖庭制度為海內琳宮之冠師以甘河
祖師遇真之地建遇仙宮以彰靈跡又於西
號瑞谿長春鍊化之所分命門人十指躬長
春成道宮以報教育之德夾谷先鋒使於祖
庭作功德主建虛皇壇殿以甲辰上元日請
師設羅天大醮薦悼海內亡魂以落成之適
皇子闕端大王開府西涼遣使趙崇簡就宮
修金鍊醮七晝宵方降聖之際北東二方真
文無火自化使回啓其靈異王特降簡書護
持玄教仍增以重陽萬壽宮額賜與醮五師
以真人號謂師與宋披雲師太夏五月聖旨
遣近使裴天民詣宮行降御香特加優遇丙
午秋鞏昌總帥汪德臣欲請師作醮薦父靈
儀慮其不能動啓於王府以汪侯開國大臣
遂命丞相完顏鳳哥詣終南禮請師即應
之鞏昌地接西羌居民但習浮屠之教師以
無為清靜正心誠意之道化之風俗為之一
變冬演教秦亭應緣接物之迹秦士有西州
錄丁未春選宮秋八月皇太后賜以冠服仍

頒寶誥教守臣外護玄化無令擾漬庚戌夏六月通明閣告成師撰杖道送其下曰吾焚修祖庭經營是閣僅十年今始見成就豈徒以詩其壯麗為哉蓋常人之情見其巖飾手外者而儼敬之心油然而生乎內夫上達之士以清靜無事絕慮修身者固不在是其於弘教度人此象設崇構之緣亦不可偏廢教之所以崇道之所以尊也冬十月三日沐浴正襟危坐召衆於前屬以修進之語日方卓午留頌而逝於衆妙堂春秋八十有五醮祭九日顏米如生遠近道俗執紼奉賻者數萬人葬於宮之仙鏡園附玉蟾靈陽二師之側度人暢道詩詞目曰洪鍾集行於世故翰林待制孟榮麟作文率長安士人特來祖庭致祭河南轉運使楊兵為作道行碑至元戊寅歲於白雲殿後建思真堂設像以事香火矣

披雲真人

師姓宋諱德方字廣道萊州掖城人先世以積善見稱其初生之夕里人見其家祥光照徹比日即大定癸卯歲八月一日也時人遂

異之僅能言便好讀書不為童穉嬉戲事穎悟強記識者謂是夙性薰習故在年十二問其母曰人有死可得免乎母曰汝問神仙劉真人去時長生劉宗師闡教於武官於是師明日徑往長生一見愛其骨格清秀音吐不凡留侍几杖因於灑掃應對之間就憤懣鬱積之地投以正法而啓發之師既得指授朝夕充養未始少息後得度於玉陽占道士籍迨長生仙去事長春宗師於棲霞儒經道典如易老中庸大學莊列等書尤所酷好外雖詩書子史亦罔不涉獵於中采其窮理盡性之學涵泳踐履潛通默識光明洞達動與之會其日新之美固已不可掩矣庚辰春正月大元太祖聖武皇帝遣近侍劉仲祿起長春於東海之濱遷其可與侍行者一十八人師其一也往復三載還燕住長春宮是時從長春之衆皆躬勤勞師獨養然以琴書自娛有評之於長春者長春拒之曰汝等勿啾唧斯人已後扶宗嗣教之事業汝等皆不可及長春亦嘗私謂師曰汝緣當在西南師因語及

道經泯滅宜為恢復之事長春曰茲事體甚大我則不暇兼冥冥中自有主之者他日爾當任之仍授以披雲子號及長春羽化清和嗣典教事令師提點教門一舉一動無偏私而有規制內外道流莫不心服癸巳大丞相胡天祿時行臺河東請主醮事甲午遊太原西山得古昊天觀故址有二石洞皆道像儼存壁間有宋童二字師修葺三年殿閣嵒嶒金碧丹牖如鼇頭突出一洞天也丁酉復主平陽醮事因於玄都觀思及長春向日堂下燕間之際有曰藏經大事我則不暇他日汝其任之又曰汝緣當在西南之語乃私自念云吾師長春君以神化天運之力發而為前知之妙凡有言之於其先莫不驗之於其後謂緣在西南之語我已安而踐之矣何獨至於藏經而疑焉遂與門下講師通真子秦志安等謀為錢木流布之計丞相胡公聞而悅之傾白金千兩以為初始之費即授之通真子今於平陽玄都觀總其事至事成之日曾不愆于素故翰林學士李冶所作碑文從倡

(109) 4 4 4 4

始而至畢手靡不備錄讀之見其補完亡缺
搜羅遺逸而海內數萬里皆經親歷之地使
他人處之縱不為煩冗所困則必厭其勞矣
師猶假餘力即萊州神山開九陽洞及建三
宮觀自燕至秦晉凡四十餘區辛丑春正月
會葬重陽祖師於終南癸卯自甘棠來永樂
鎮拜謁於純陽祠下見其荒蕪狹隘師乃招
集道眾住持後雖掌教真常李君奏請朝命
大行興建者師實為之張本甲辰春來終南
祖庭應皇子闕端大王醮事醮竟例賜玄都
至道真人號是時藏經勝錄俱已斷手即間
居於雲堂日與耆年宿德相會談道至丁未
冬十月十有一日沐浴更衣示微疾而逝於
所居之待鶴亭春秋六十有五越七日葬於
宮之仙苑園平生所作詩文目曰樂全前後
二集行于世戊申冬門人遷仙柩於河東永
樂鎮純陽宮葬之建祠立碑以事香火至元
庚午歲春三月聖旨追贈玄通弘教披雲真
人號

白雲真人

師姓葛氏名志遠字子玄世為萊州掖縣巨
族祖德中父遵皆雅志田園以陰德見稱於
鄉里皇統間餓莩滿野其家設粥以濟至秋
成乃止大定己丑重陽祖師挈舟陽長真長
春三師過其門嘗邀至家修齋供奉後於鄉
里朔龍翔觀朝夕香火以奉上真割膏腴田
施充常住以贍雲眾當明昌庚戌正月十九
日師乃生幼不戲狎年志學使之讀書師曰
所願學者方外修真之業弱冠之歲父母欲
議婚師聞之潛於靜室自潔其身家人知其
志不可奪即令披道士服既而往棲霞參長
春宗師服勤久之於道有所得無幾何從長
春居萊州昊天觀己卯歲太祖聖武皇帝遣
使持詔起長春遊北關明年春正月啓途選
從者一十八人師預其一也霜眠露寢往復
三載道路艱辛備嘗之矣回達金山之巔林
間少憩長春願謂清和尹公曰養生賦性淳
謹將來吾教可勝大用甲申長春選慈都住
長春宮師服勤愈謹迨長春上仙清和嗣主
教席俾師知長春宮事仍賜白雲子號既而

委之行化山東所至迎迓者不輟師以善言
勸諭四方者宿憲警堂下者不可勝計戊戌
春真常李君嗣掌教事夏四月入覲天廷以
師從行秋七月真常奏請得旨命師同洞真
于君住持終南山重陽宮提點陝右教事選
燕清和謂師曰昔長春金山之語今其時矣
汝當克勤乃事無怠師謝而西來疾于率京
兆僚屬復上燕都禮請清和主重陽祖師葬
事厥後祖庭興修師多所規畫仍於京兆府
城玄都萬壽宮及炭谷太一宮俱加營建甲
辰上元日皇子闕端大王遣使趙崇簡就宮
修金錄醮七晝宵使回啓陳靈異王特降旨
護持玄教洎預醮五師俱賜徽號例授女門
私教白雲真人丙午冬皇太后賜以黃金冠
服特加優遇辛亥憲宗皇帝嗣登大寶頒降
聖旨敕師典領陝右道門如故壬子冬是時
西蜀朱全歸附一妄人誣告道眾與蜀人相
通有司率兵大加按治道眾駭散明年夏四
月聖天子在藩邸行宮六盤師往謁見以實
哀訴蒙降璽書撫慰始安度門弟子數百人

0-822-11

建立官觀二十餘所至乙卯秋七月二十四日示微疾而逝於玄都之丈室春秋六十有六初瘞於樊川白雲觀後改葬于劉蔣祖庭之仙鏡園矣

無欲真人

師家世耀州之美原姓李氏名志遠道號無欲子以大定己丑歲十二月初十日生五歲始能行及長慷慨特達毅然以正直自負鄉里有俊槍者每正辭折之望而畏服嘗肆意酒間視此世為不足玩年三十七乃曰與其汨沒塵塗中曷若徜徉方外邪時碧虛楊君大暢全真教法於長安乃往見之碧虛識為玄門重器然天屬所繫度其有難解於心者且使還家但勉以積善而已師歸遂與諸親友決棄妻子而去其妻訕之笑而不顧其父見而呵責師婉辭告以性命之學父乃悟借受業於碧虛之門師遂首弊衣行向於市時人以酒季先生呼之日月間以修身利物為己任大安庚午秦境大旱饑旱者相枕藉邑人趙三郎富甲鄉里師以善言誘導趙悟乃

發粟粟師今法第齊志道輩春糞以給貧病至秋斂而罷已而入興平環居十日乃得大妙適河渠使夾谷公請主縣南龍祥觀師應之居及五稔遷居樓觀又遷京兆之丹霞無何碧虛俾營三原之碧虛觀正大戊子碧虛

嗣教於師而逝未幾關中受兵師挈眾避亂于南山至庚寅春達南陽會冲虛李君洞真于君在汴聞之遣人持書請至住丹陽觀癸巳汴京納款城中絕糧人爭北渡師繼達汲郡因以陰隱開諭津人創靈虛天慶二觀以濟南來之眾明年適燕時清和尹君掌教委師入秦興復祖庭授以提點陝西道門之職啓行之初贖黃金一笏以為創始之資過趙過魏公侯郊迎饋財幣者不可勝計悉歸祖庭興建之用京兆總管田德燦督佐官就河中相逐以府城佑德觀居之時關中甫定暴恨相煽劉蔣之側了無人跡師率眾舉築以創其業辛丑春會葬祖師之際多所規畫壬寅秦士議修文廟闕凡師畫給之士皆歎服甲辰春皇子闕端大王遣使就官修金籙照

七晝宵事竟例賜無欲觀妙真人號秋渭北萬戶郝公城獲數十陰謀南適得其顯狀盡欲刑之師連夜馳至以罪禍之理曉勸皆免明年京兆羣小結連私逸府尹韓淵議尸諸市以令眾感師一言但穢厥渠魁太傅移刺

寶儉其母死欲以二婢為殉師以古葬禮正之始革其弊丙午詣燕注香堂下夏四月回車過汴寓丹陽觀坐中若有急色介諸徒速出甫離一舍宋軍已至城下其先見類如此明年秋八月中宮賜冠服之寵甲寅春掌教真常李君以善天籙事具書名師時年八十有六不敢以老耄辭比至燕疾篤以六月二十六日於長春宮方壺備然而逝門人捧柩西歸葬于劉蔣之仙鏡園師生平雖不讀書四方衣冠之士相待甚厚在燕則主萬慶淡游趙復仁甫敬欽鼎臣在秦則紫陽楊真姚左轄樞來獻臣明之邳郎中邦用輩皆挽之以詩及作文致祭刻石於佑德之靜復堂讀之平日道業自可見矣

圓明真人

師姓高氏諱道寬字裕之世為應州懷仁縣之豪族質貌魁偉襟度夷曠以明昌乙卯歲七月十九日生幼不同羣兒戲狎既長讀書通經史大義性尚雅淡每有出塵遠引之思以二親在堂莫遂其志及大安兵興雲應當其衝即挈家避地居長安隱身為刀筆吏既而考妣俱下世喪祭如禮一夕露坐家庭夜將半忽觀光明如晝仰視西北天門大闢紅霞翠霧之間瓊林琪樹寶殿瑤臺歷歷具見須臾復闔自是學道之心益切與定辛巳聞章臺街蓬萊菴金真安君有道即捐家棄業執弟子禮安君愛其勇決教以摧強挫銳寡欲治心為修身之本師佩服玄訓弊衣糲食味道思真晏如也正大改元遊汴染依丹陽觀沖虛李君參進上道沖虛俾服勤勞以資福德師躬執爨汲之役數年不忘沖虛授之道要丙戌金主遣中使詣鳳翔徵洞真子君仍命李冲虛選精嚴道人一員副行冲虛名師前曰師資契遇實關冥理洞真吾方外友昔嘗蒙丹陽長春二師真印可真玄門之宗

匠今上命有請汝可偕往他日興起吾道作成爾業者其斯人歟敬之哉師受教而行洞真既至汴奉命提點中太一宮師居席下朝叩夕請其於道德性命之學有所進發已汴京下師乃北渡上燕都尋居德興之龍陽觀願神毓浩若將終身焉戊戌春洞真召還燕從演教白霄唐子冬又從入關興復終南祖庭是時經營會葬祖師之際師多方化導裨贊其用戊申洞真賜號圓明子署知重陽萬壽宮及提點甘河遇仙宮事且語之曰人徒知枯坐息思為進道之功殊不知上達之士圓通定慧體用並修即動而靜雖櫻而寧為無為事無事同塵和光此老氏之微旨也今玄化盛興汝當奉此應緣扶教接物利生以為登真達道之基汝後必負教門重任事雖稠疊慎無憚是皆庸玉汝於成也師叩頭跪進曰仙真妙旨實非凡俗所聞今日見教請事斯語由是儉以治身寬以莅眾不數載內外道眾莫不得其歡心識者嘆服以洞真為知人壬子春掌教真常李君祀香祖度俾師

充京兆路道錄從事十年事有成而無替迫中統辛酉歲明真人張君詣關保奏宣授陝西興元等路道教提點兼鎮重陽萬壽宮事至元戊辰夏皇姪永昌王賜金冠錦服辛未嗣教真人純真王君贈號知常抱德圓明尊師未幾永昌王再賜洞觀普濟圓明真人號癸酉春皇子安西王開府六盤師一見應對稱旨拜賜冠服乙亥夏召師就行宮修金籙羅天大醮自將事之日迄于建緒瑞雲輪困靈應昭著備見于參政商君所作投龍冊碑悉不替迷無幾何中宮又以冠服見賜寵諭優渥丙子秋七月安西王頒降璽書益以西蜀道教併付掌管師並領教門諭二十年專尚德化未嘗一施政刑在祖庭則繼初南昌上宮泊五祖大殿其餘府庫藏廢增葺者甚多雖一穉子來請亦必以禮相接未嘗有自得驕慢之色形於顏間教事繁劇物來即應皆曲中其理每至夜分澄神靜坐達旦不寐其修真鍊養之功習以為常以是年逾八旬故履康強精神充懌上而王公下迨黎庶莫

不待以殊禮故得教門靜肅道衆入安四方
陰受其賜者爲不少丁丑春正月上旬忽得
微疾侍者勸進藥師曰死生如旦暮乃物之
常理奚藥石可延分外之算邪至二十四日
遂不食終日危坐談話如平昔但教人以進
道之語翌日奄然順化於所居之靜室享春
秋八十有三越五日葬于宮之仙觀園送葬
道俗踴萬人其平生道方自可見矣

終南山祖庭仙真內傳卷下

二十六

終南山說經臺歷代真仙碑記

川五

九天仙伯文始先生無上真人

按史記茅內傳真人姓尹名喜守公文天水
人也母魯氏夢天降電流繞其身而後真人
生焉當生之時有雙老若日飛游其側目有
日精姿形長雅少好墳索素易之書喜天文
祕緯仰觀俯察莫不洞徹雖鬼神之變無以
匿其情大度恢傑隱德行仁其後涉覽山水
於雍州終南山蓋屋縣神就鄉聞仙里中結
草爲樓精思至道不求聞達而逸響遐宣周
康王聞之拜爲大夫後召入爲東宮賓友至
昭王二十五年癸丑瞻見東方紫氣西邁知
有聖人當過京邑乃求出爲函谷關令以物
色之至期乃盟沐浴真戒嚴門吏掃路焚香
以俟天真入境其年七月甲子老君到關即
具朝服出迎就舍設座北面而事之遂辭疾
還官以其年十二月邀迎老君至終南本第
齋戒問道復請著書以惠後世老君乃述道
德五千言以授之并授三一內修之道及西
昇之訣老君傳道既畢明年甲寅四月二十

八日將辭決升天真人悲戀請留老君戒曰
子但十日清齋研誦二篇鍊形入妙而後可
尋吾於蜀郡青羊之肆矣真人唯唯而謝言
訖於宅南小阜上乘雲駕景升入太微真人
遂於草樓清齋屏絕人事三年之內心凝形
釋體入自如窮數達變之微形一神萬之旨
悉臻其妙乃著書九篇號關尹子即往蜀郡
青羊之肆而會老君老君錫號文始先生位
爲無上真人統領諸天仙子今成都府之青
羊宮即故址也又按樓觀本起傳云樓觀者
昔周康王大夫闢令尹之故宅也以結草爲
樓觀星里氣因以名樓觀此宮觀所自始也
問道授經此大教所由興也是以古先哲后
景行高真仰道德爲生化之源宗神仙爲立
教之本尋衆妙之軌躅慕重玄之指歸故周
穆西巡秦皇東獵並回轅枉道親禮真宗始
皇建廟於樓南漢武立宮於觀北晉宋謁版
于今尚在秦漢廟戶相繼不絕是皆歷代欽
崇寶爲福地登真得道之士世不乏人今之
所紀姑述舊聞滅迹之士不可悉究也